

## Headlines

- मुख् चुनां आयुक्त राजीव कुमार होरें आखेआ ऐ जे जम्मू-कश्मीर च जिन्ना जल्दी होई सकै, चुनां कराने गितै चुनां आयोग बचने बज्जे दा ऐ ते चुनां आयोग सरबन्धी टीम नै मुख् सचिव ते पुलस प्रमुख कन्नै विचार बटांदरा बी कीता।
- राष्ट्रपति द्रौपदी मुर्मू होरें आखेआ ऐ जे भारत विश्व च लोकतंत्र दी जींदी जागदी मसाल बनी गेआ ऐ ते तौलें गै त्री सब्बनें शा बड्डी अर्थ बवस्था बनी जाग।
- प्रधानमंत्री नरेंद्र मोदी होरें लोकें गी हर घर तिरंगा अभियान गी यादगार जन आंदोलन बनाने दी अपील कीती।
- संसद दे दौनें सदन अज्ज डंड रौली करी स्थगित।

<><><><><><>

## CEC-Election

मुख् चुनांs आयुक्त राजीव कुमार होरें आखेआ ऐ जे चुनां आयोग जम्मू-कश्मीर च जिन्ना जल्दी होई सकै, चुनां कराने गितै बचने-बज्जी दी ऐ। कुमार होरें आखेआ जे जम्मू-कश्मीर च सब्बै सियासी पार्टियां असेंबली चुनां कराने गितै तगडेयाई नै बोला'रदियां न ते कुसै बी बाहरली या अंदरूनी ताकतें गी चुनांs गी खराब नेई करन दित्ता जाग। गौरतलब ऐ जे कुमार हुंदी अगुवाई आहला प्रतिनिधिमंडल प्रशासन ते कन्नै गै सुरक्षा एजेंसिएं आस्सेया चुनां कराने गितै तैयारियें दा जायजा लैने गितै जम्मू-कश्मीर दे त्रऊं दिनें दे दौरे पर आए दा ऐ। अधिकारिएं दस्सेया जे अपने दौरे दे दुए ध्याडे चुनां आयोग प्रतिनिधिमंडल जिस च चुनां आयुक्त ज्ञानेश कुमार ते एस.एस. संधू होर बी शामिल न, होरें जम्मू-कश्मीर दे मुख् सचिव अटल डुल्लू ते केंद्र शासित पुलस प्रमुख आर.आर स्वैन हुंदे नै चर्चा कीती। 2014 मगरा जम्मू-कश्मीर च असेंबली चुनां नेई होए न। तोआई अगस्त 2019 च केंद्र शासित प्रदेश बनने दे बाद मते हारे कारणें करी चुनां नेई कराई जसई सके। पिछले बरे दिसंबर च सुप्रीम कोर्ट नै केंद्र गी 30 सितंबर 2024 तोड़ी चुनां प्रक्रिया गी सम्पन्न करने दे निर्देश दित्ते हे।

<><><><><><>

## Prez. Diaspora

राष्ट्रपति द्रौपदी मुर्मू होरें ऑकलैंड च अज्ज भारतीय समुदाय ते भारत दे मित्रें गी इक सामुदायिक सवागली समारोह च संबोधित कीता। कार्यक्रम च भारत सरकार दे राज्यमंत्री जार्ज कुरियन, लोकसभा सांसद जुगल किशोर शर्मा, सौमित्रा खान, उच्च आयुक्त नीटा भूषण ते भारतीय समुदाय दे बडे सारे लोक शामिल हे। अपने संबोधन च राष्ट्रपति मुर्मू होरें आखेआ जे भारत विश्व च जींदी-जागदे लोकतंत्र दी मसाल बनी गेआ ऐ ते तौलें गै त्री सब्बनें शा बड्डी अर्थ बवस्था बनी जाग। उनें आखेआ जे न्यूजीलैंड विशेषज्ञता ते अनुभव कन्ने भारत दे विकास खास करिये शिक्षा दे खेत्तर च विकास ताई योगदान देग। राष्ट्रपति मुर्मू होरें खुशी व्यक्त कीती जे न्यूजीलैंड च भारतीय त्यौहार जियां जे दिवाली, ओनम, होली ते पोंगल बडे गै चा कन्नै मनाई जंदी ऐ। उनें भारतीय समुदाय दा भारतीय त्यौहार, रीति-रिवाजें गी बरकरार रखने गितै उंदी सराहना कीती।

<><><><><><>

## LS-Landing Bill

अज्ज लोकसभा च टो-टोआई सरबंधी लैंडिंग बिल 2024 पेश कीता गेआ। इस बिल गी बंदरगाहें, ज्हाजरानी ते जलमार्ग मंत्री सरबानंद सोनोवाल हुंदे आस्सेया पेश कीता गेआ ऐ। इस बिल गी समुंद्री रस्तेयां माल-दुलाई दे सरबंधे च माल लेइये जाने आहले कन्ने जुडी दी जिम्मेवारी, अधिकारें गी बढावा देना ते केंद्र सरकार गी निर्देश देने ताई सशक्त करने दे मकसद लेई आह्नेया गेआ ऐ। इस बिल च भारतीय बिल लैंडिंग कनून 1856 गी रद्द करिये उस्सै एक्ट गी नमें कनूने कन्ने परतियै लागू करने दी कोशश कीती गेई ऐ।

<><><><><><>

## LS-Railways Bill

लोकसभा च अज्ज रेलवे संशोधन बिल 2024 पेश कीता गेआ। एहू बिल रेल मंत्री अश्विनी वैष्णव हुंदे आस्सेया पेश कीता गेआ। इस बिल च रेल कनून 1989 च संशोधन करने दी कोशश कीती गेई ऐ। बिल पेश करदे होई रेल मंत्री होरें आखेआ जे इस बिल कन्ने रेलवे बोर्ड दी शक्तियें च बादा होग ते रेलवे दी क्षमता च बी सुधार होग। इस बिल च भारतीय रेलवे बोर्ड अधिनियम 1905 दे प्रस्तावें गी रेलवे अधिनियम, 1989 च शामिल करिये कनूनी ढांचे गी सखलला बनाने दा प्रस्ताव ऐ। एहू बिल रेलवे बोर्ड दे गठन ते संरचना दे प्रावधानें गी रेलवे अधिनियम 1989 च उचित ढंग्गै कन्ने शामिल करियै भारतीय रेलवे बोर्ड अधिनियम 1905 गी रद्द करने दी कोशश कीती गेई ऐ।

<><><><><><>

## Jaishankar-Russia

विदेश मंत्री डॉ. एस जयशंकर होरें लोकसभा च दस्सेया ऐ जे रूस दी सेना आस्सेया अजें तगर 91 भारतीय लोकें गी भर्ती कीता गेआ ऐ जिंदे चां 8एं दी मौत होई गेई ऐ। 14 गी छुट्टी देई दिती गेई ऐ ते 69 अजें बी रिहाई दा इंतजार करा'रदे ना। डॉक्टर जयशंकर होरें भरोसा दोआया ऐ जे भारत सरकार इस मुद्दे पर सखती कन्ने कम्म करा'रदी ऐ। उनें दस्सेया ऐ जे प्रधानमंत्री नरेंद्र मोदी होरें रूस दे राष्ट्रपति ब्लादिमीर पुतिन हुंदे थमां इनें नागरिकें गी रिहा करने आस्तै इक वादा बी लैता ऐ। विदेश मंत्री होरें आखेआ ऐ जे रूसी अधिकारियें दा आखना ऐ जे इनें भारतीय लोकें रूसी सेना कन्ने सेवा आस्तै अनुबंध लैता हा। उनें इब्बी दस्सेया ऐ जे मते सारे मामलें च भारतीय लोकें गी गुमराह कीता गेआ ऐ। डॉक्टर जयशंकर होरें इब्बी दस्सेया जे इस मामले च सीबीआई नै 19एं लोकें गी संस्थाएं दे खलाफ आपराधिक मामलें दा खुलासा कीता गेआ ऐ जिंदे चा इसलै 4 लोक तस्करी दे खलाफ सबूत थहोए न ते ओहू इसलै हिरासत च ना। दक्खन पूर्व एशिया च कम्म करने आहले गुमराह कीते गेदे लोकें बारै उनें दस्सेया ऐ जे सरकार नै सतर्कता बनाई रक्खदे होई कंबोडिया थमां 650 म्यंमार दथमां 450 ते लोआस थमां 539 भारतीय लोकें गी वापस अपने मुख आह्नेया ऐ।

<><><><><><>

## EPSKN-Samba

1 अगस्त थमां 15 अगस्त तोड़ी चलने आहले कार्यक्रम 'एक पेड़ मां के नाम', 'एक पेड़ शहीदों के नाम' दे इक हिस्से दे तौरा पर रामगढ तहसील दे ग्रं कलाह च शहीद दीपक कुमार हुंदे स्मार्क पर 'एक पेड़ शहीद दीपक कुमार के नाम' तैहत साम्बा दे मुख कृषि अफसर मदन गोपाल सिंह हुंदी मौजूदगी च इक रूख-बूहटा लाया गेआ। इस मौके उंदा परोआर ते साबका सरपंच, पंच ते होर लोकें एहूदे च शमूलियत कीती। स्हाडे जिला संवाददाता सतपाल शर्मा हुंदे नै गल्ल करदे होई श्री गोपाल होरें आखेआ।

<><><><><><>

## CS-Eshram

मुख्य सचिव अटल डुल्लू होंरें पंजीकरण आहले सब्बै ई-श्रमिकें गी राशन कार्ड प्रदान करने गितै श्रम ते रोजगार विभाग, खाद्य, सिविल सप्लाई ते उपभोक्ता मामलें सरबन्धी सांझा बैठकें दा जायजा लैता। बैठका दौरान मुख्य सचिव होंरें भारत दी सुप्रीम कोर्ट आस्सेया जारी निर्देश जिस च राज्यें ते केंद्र शासित प्रदेशें दियें सरकारें प्रशासन गी बाकी रेई गेदे ई-श्रम पोर्टल उप्पर पंजीकृतें गी राशन कार्ड जारी करने दे निर्देश जारी कीते हे, उप्पर जोर भरेया। डुल्लू होंरें मुतल्लका विभागें गी एहदा प्रचार-प्रसार करने ते ई-श्रम पंजीकर्ताएं गी मुतलका डी.सी दफ्तरें राएं संपर्क करने दियां हिदायतां जारी कीतियां। मुख्य सचिव होंरें उपायुक्तें गी इस मामले गी आपूं गै दिक्खने ते अफसरें बश्कार तालमेल यकीनी बनाने दे निर्देश दिते तां जे समेंसिर मित्थे दे लक्ष्यें गी हासल कीता जाई सकै।

<><><><><><>

## PM-Har Ghar Tiranga

प्रधानमंत्री नरेंद्र मोदी होंरें अज्ज लोकें गी आखेआ ऐ जे 'हर घर तिरंगा' अभियान गी इक यादगार जन आंदोलन बनाना। उनें अपनी प्रोफाइल फोटू गी हटाइयै राष्ट्रीय झंडा लाया ऐ ते लोकें गी बी अपनी प्रोफाइल फोटू च राष्ट्रीय झंडा लाने दी अपील कीती ऐ। प्रधानमंत्री होंरें अपने सोशल मीडिया हैंडल 'एक्स' उप्पर आखेआ जे आजादी दे ध्याडे दे नेडे औदे गै अस्स इक बारी फ्ही 'हर घर तिरंगा' अभियान गी इक सफल ते यादगार बनाचै। उनें आखेआ जे में बी अपनी प्रोफाइल फोटू बदली दित्ती ऐ ते ऐ तुस सब्ब बी इयां करियै अपने तिरंगे दा जश्र मनाने आस्तै इस अभियान च शामिल होवो ते तिरंगे कन्नै सेल्फी लेइये [harghartiranga.com](http://harghartiranga.com) वेबसाइट उप्पर अपलोड करो। उनें लोकें गी 'हर घर तिरंगा' अभियान दे हिस्से दे तौरा पर 15 अगस्त गी स्वतंत्रता दिवस आहले रोज अपने घरें पर राष्ट्रीय झंडा फेहराने दी अपील कीती। बीजेपी सरकार दे मेम्बर इस अभियान गी सफल बनाने आस्तै मुख्य भरै च रैलियां करा'रदे न।

<><><><><><>

## PM-Quit India

अज्ज भारत छोड़ो आंदोलन दी बरे गंड उप्पर प्रधानमंत्री नरेंद्र मोदी होंरें महात्मा गांधी हुंदी अगुवाई च इस आंदोलन च शामिल सेनानियें गी श्रद्धांजलि भेंट कीती। इक सोशल मीडिया पोस्ट च प्रधानमंत्री होंरें भारत छोड़ो आंदोलन गी स्वतंत्रता संग्राम च इक महत्वपूर्ण क्षण दस्सेया। श्री मोदी होंरें औपनिवेशक शासन थमां भारत गी आजादी दी लड़ाई च इस आंदोलन दी खासी भूमिका दे बारे इक वीडियो संदेश च अपने विचार सांझा कीते। उनें आखेआ जे इस आंदोलन करी इसलै मुख्य च सब्बनें दी अवाज भ्रष्टाचार मुक्त देश, परोआरवाद आहली सियासत ते कुसै बी इक तबके गी खुश करने आहली सियासत गी नकारने दी वकालत करदा ऐ। श्री मोदी होंरें अपने सोशल मीडिया हैंडल उप्पर औदे अजादी आहले ध्याडे गितै तिरंगे आहली फोटू रक्खी दी ऐ। अपने संदेश च श्री मोदी होंरें लोकें गी हर घर तिरंगा अभियान गी यादगार बनाने दे बारे आखेआ। उनें लोकें गी अपनियें प्रोफाइल फोटुएं गी तिरंगे कन्नै बदलिये ते हर घर तिरंगा वेबसाइट उप्पर तिरंगे कन्नै अपनी सेल्फी सांझा करने दी बी अपील कीती।

<><><><><><>

## Parliament-Sine Die

संसद दे दौनें सदनें गी अज्ज डंड-रौली करी स्थगित करी दित्ता गेआ। संसद दा बजट सत्र पिछले म्हीने दी 22 तरीक गी शुरू होआ हा ते एह सोमवारें सम्पन्न होने आहला हा। स्पीकर ओम बिरला होंरें अज्ज दस्सेया ऐ जे इस सत्र च 15 बैठकां होइयां जेहिडियां 115 घैंटें तगर चलदियां रेइयां। उनें आखेआ ऐ जे वित्त मंत्री निर्मला सीतारमण होंरें 23 जुलाई गी केंद्रीय बजट 2024-25 पेश कीता हा जेदे उप्पर सदन आस्सेया 27 घैंटे 19 मिंटें तगर चर्चा चलदी रेही। उनें आखेआ ऐ जे इस सत्र दौरान 12 सरकारी बिल पेश कीते गए जिंदे चा 4 लोकसभा आस्सेया पारित करी दित्ते गो।

